

UPRAVA DRUŠTVA

Broj: U.D.-01.-04.-12936/25
Sarajevo, 23.04.2025. godine

Na osnovu člana 45. Statuta, člana 70. stav (3) Zakona o javnim nabavkama BiH ("Službeni glasnik BiH" broj: 39/14 i 59/22), člana 18., stav (3), Pravilnika o javnim nabavkama „JP BH POŠTA“ d.o.o. Sarajevo, Pravilnika o uslovima i načinu korištenja e-aukcije ("Službeni glasnik BiH" broj: 80/23), i preporuke Komisije za javnu nabavku opreme za video nadzor, broj: 07.4-11-9-5545-24/25, od 21.04.2025. godine, Uprava Društva na 86.elektronskoj sjednici održanoj dana 23.04.2025. godine, donosi:

O D L U K U

o izboru najpovoljnijeg ponuđača u postupku javne nabavke opreme za video nadzor

I


Ovom Odlukom vrši se izbor najpovoljnijeg ponuđača „BHT CODE“ d.o.o. Ilidža, Sarajevo, u postupku nabavke opreme za video nadzor, sa ukupnom vrijednošću ugovora u iznosu od 23.950,00 KM bez uračunatog PDV-a, odnosno 28.021,50 KM sa uračunatim PDV-om.

II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. zakona o javnim nabavkama u formi i sadržaju kako je to zahtijevano tenderskom dokumentacijom ovog postupka nabavke. Dokazi moraju biti fizički dostavljeni na protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

III

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima – uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.



OBRAZLOŽENJE

Na osnovu Odluke o pokretanju postupka javne nabavke opreme za video nadzor, broj: U.D.01.04-10361/25, od 12.03.2025. godine, sa procijenjenom vrijednošću nabavke u iznosu od 33.372,00 KM bez uračunatog PDV-a, i Rješenja Generalnog direktora za provođenje postupka nabavke opreme za video nadzor, (u daljem tekstu: Komisija), broj: 01-11-9-5545-6/23, od 13.03.2025. godine, proveden je otvoreni postupak za dostavljanje ponuda javne nabavke opreme za video nadzor i to objavljivanjem Obavještenja o nabavci na Portalu javnih nabavki, broj: 238-1-1-56-3-74/25, od 21.03.2025. godine.

Komisija je dana 17.04.2025. godine u prostorijama Generalne direkcije, Obala Kulina bana br.8 Sarajevo održala sastanak na kojem je utvrdila prihvatljivost dostavljenih ponuda, a sve u cilju provođenja e-aukcije čije je održavanje predviđeno tenderskom dokumentacijom, broj: 07.4-11-9-5545-14/25, kao i Obavještenjem o nabavci na Portalu javnih nabavki, broj: 238-1-1-56-3-74/25, od 21.03.2025. godine.

Sastanku su prisustvovali svi članovi komisije imenovani Rješenjem Generalnog direktora, broj: 01-11-9-5545-6/23, od 13.03.2025. godine.

Komisija je konstatovala da je u postupku nabavke opreme za video nadzor, dana 11.04.2025. godine, obavljeno javno otvaranje ponuda o čemu je sačinjen zapisnik o otvaranju ponuda, broj: 07.4-11-9-5545-22/25. Zapisnik je poslan na e-mailove ponuđača: dajana.crncevic@lanaco.com; bhtcode@bhtcode.ba; hajra.sahinovic@gmail.com; unilab.ba@unilab.ba; estorm.info@gmail.com; info@tehnotim.ba; office@itehnika.ba.


Komisija je prije samog otvaranja ponuda konstatovala sljedeće:

- da je tenderska dokumentacija objavljena na Portalu javnih nabavki;
- da je ukupno 23 (dvadeset tri) potencijalna ponuđača preuzelo tendersku dokumentaciju sa Portala javnih nabavki;
- da je do roka za dostavljanje ponuda pristiglo ukupno 6 (šest) ponuda;
- da su koverta sa ponudama neoštećene, uredno zapakovane i zapečaćene;
- da je na kovertu stavljen redni broj prema kojem se utvrđuje redoslijed otvaranja i čitanja ponuda, prema vremenu dostavljanja na Protokol i to: naziv ponuđača, ukupna cijena ponude i eventualno ponuđeni popust.

Komisija je utvrdila da su na Protokol ugovornog organa, do roka određenog za prijem ponuda, pristigle ponude slijedećih ponuđača, i to:

1. „ iTehnika “ d.o.o. Sarajevo
2. „ Tehnotim “ d.o.o. Banja Luka, nosilac grupe
3. „ E-STROM PROJEKTNI BIRO “ d.o.o. Sarajevo
4. „ UNILAB “ d.o.o. Sarajevo
5. „ LANACO “ d.o.o. Banja Luka
6. „ BHT CODE “ d.o.o. Ilidža, Sarajevo

Komisija je pristupila analizi dokumentacije priložene uz ponudu u smislu provjere njene validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanja ponuda, a u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, te je prilikom analize ponuda prema redoslijedu prispjeća konstatovala sljedeće:



1. Ponuda ponuđača „ iTehnika “ d.o.o. Sarajevo, sa ukupnom vrijednošću ponude, sa uračunatim popustom u iznosu od 17.084,40 KM bez uračunatog PDV-a, u iznosu od **32.435,60 KM**, bez uračunatog PDV-a, ne ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **neprihvatljiva**. Naime, navedeni ponuđač nije evidentiran na Portalu, tj. na izvještaju o preuzimanju tenderske dokumentacije od strane ponuđača.


Ugovorni organ je u TD, pod 8.3.1., naznačio:

“Ukoliko ponuđač ne bude na zvaničnom izvještaju sa Portala javnih nabavki tj. na „izvještaju o preuzimanju tenderske dokumentacije od strane ponuđača“ njegova dostavljena ponuda će biti otvorena ali neće biti predmetom razmatranja što će biti konstatovano u Zapisniku sa otvaranja ponuda i Komisija će istu naknadno ocijeniti kao neprihvatljivu”.

2. Ponuda ponuđača „ Tehnotim “ d.o.o. Banja Luka, nosilac grupe, sa ukupnom vrijednošću ponude, bez uračunatog PDV-a u iznosu od **33.366,40 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **prihvatljiva**.
3. Ponuda ponuđača „ E-STROM PROJEKтни BIRO “ d.o.o. Sarajevo, sa ukupnom vrijednošću ponude, bez uračunatog PDV-a u iznosu od **33.371,96 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **prihvatljiva**.
4. Ponuda ponuđača „ UNILAB “ d.o.o. Sarajevo, sa ukupnom vrijednošću ponude, bez uračunatog PDV-a u iznosu od **33.337,40 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **prihvatljiva**.
5. Ponuda ponuđača „ LANACO “ d.o.o. Banja Luka, sa ukupnom vrijednošću ponude, bez uračunatog PDV-a u iznosu od **33.253,00 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **prihvatljiva**.
6. Ponuda ponuđača „ BHT CODE “ d.o.o. Ilidža, Sarajevo, sa ukupnom vrijednošću ponude, bez uračunatog PDV-a u iznosu od **33.361,00 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **prihvatljiva**.

Na osnovu gore navedenog, a shodno utvrđenom kriteriju „najniža cijena“, komisija utvrđuje rang-listu ponuđača, koji su ispunili kvalifikacione uslove, sa uračunatim popustom i bez PDV-a, kako slijedi:

Red. br.	Naziv ponuđača	Ukupna cijena ponude bez PDV-a, (KM)
1.	„ LANACO “ d.o.o. Banja Luka	33.253,00 KM
2.	„ UNILAB “ d.o.o. Sarajevo	33.337,40 KM



3.	„ BHT CODE “ d.o.o. Ilidža, Sarajevo	33.361,00 KM
4.	„ Tehnotim “ d.o.o. Banja Luka, nosilac grupe	33.366,40 KM
5.	„ E-STROM PROJEKTNI BIRO “ d.o.o. Sarajevo	33.371,96 KM

Poštujući uslove tenderske dokumentacije kojom je predviđeno održavanja e-aukcije, a sve u skladu sa Pravilnikom o uslovima i načinom korištenja e-aukcije ("Službeni glasnik BiH" broj: 80/23), Komisija je zakazala e-aukciju na portalu Javnih nabavki (www.ejn.gov.ba) za dan 21.04.2025. godine sa početkom u 11:45 sati i predviđenim početnim trajanjem e-aukcije od 10 minuta. Nakon okončane e-aukcije koja je trajala 16 minuta (Izveštaj o toku i završetku e-aukcije u prilogu), a shodno utvrđenom kriteriju „najniža cijena“, Komisija konstatuje da je:

- cijena ponude ponuđača „ Tehnotim “ d.o.o. Banja Luka, nosilac grupe, u iznosu od 33.366,40 KM bez PDV-a, identična u odnosu na cijenu početne ponude.

- cijena ponude ponuđača „ E-STROM PROJEKTNI BIRO “ d.o.o. Sarajevo, u iznosu od 30.450,00 KM bez PDV-a, manja za 8,75573 % u odnosu na cijenu početne ponude, koja je iznosila 33.371,96 KM bez PDV-a.

- cijena ponude ponuđača „ UNILAB “ d.o.o. Sarajevo, u iznosu od 25.000,00 KM bez PDV-a, manja za 25,00914 % u odnosu na cijenu početne ponude, koja je iznosila 33.337,40 KM bez PDV-a.


- cijena ponude ponuđača „ LANACO “ d.o.o. Banja Luka, u iznosu od 24.000,00 KM bez PDV-a, manja za 27,82606 % u odnosu na cijenu početne ponude, koja je iznosila 33.253,00 KM bez PDV-a.

- cijena ponude ponuđača „ BHT CODE “ d.o.o. Ilidža, Sarajevo, u iznosu od 23.950,00 KM bez PDV-a, manja za 28,20958 % u odnosu na cijenu početne ponude, koja je iznosila 33.361,00 KM bez PDV-a.

Nakon svega gore navedenog te provedene e-aukcije, utvrđena je konačna rang lista ponuđača

koji su ispunili kvalifikacione uslove i to kako slijedi:

Red. broj	Naziv ponuđača	Ukupna cijena ponude bez PDV-a, (KM)
1.	„ BHT CODE “ d.o.o. Ilidža, Sarajevo	23.950,00 KM
2.	„ LANACO “ d.o.o. Banja Luka	24.000,00 KM
3.	„ UNILAB “ d.o.o. Sarajevo	25.000,00 KM
4.	„ E-STROM PROJEKTNI BIRO “ d.o.o. Sarajevo	30.450,00 KM
5.	„ Tehnotim “ d.o.o. Banja Luka, nosilac grupe	33.366,40 KM



Obzirom da ponuda ponuđača „BHT CODE“ d.o.o. Ilidža, Sarajevo, u ukupnom iznosu od 23.950,00 KM bez uračunatog PDV-a, u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove, odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama i to radnim danima u radno vrijeme.



GENERALNI DIREKTOR
Adis Šehić
Adis Šehić dipl.ing.saob.

Dostaviti:

- Službi za unutrašnju zaštitu (Nosilac posla);
- Marketingu (za objavu);
- Sektoru za ekonomsko finansijske poslove;
- Sektoru za razvoj i informacioni sistem;
- Odjeljenju za Javne nabavke;
- Ponuđačima putem Odjeljenja za javne nabavke;
- Arhivi U.D.
- a/a

